

Aktuelnosti

1. Završna izjava učesnika III konferencije načelnika-gradonačelnika i civilnog društva BiH "Lokalna samouprava, regionalna saradnja u BiH i evropske integracije"
2. E-SPREMNOST BH. OPĆINA
3. Aktivno učešće općina i gradova u planiranju rada Saveza općina i gradova Federacije BiH
4. Studijska posjeta načelnika bh.općina Velikoj Britaniji
5. Održana obuka vijećnika u općini Breza
6. Četvrti sastanak radne grupe za uklanjanje prepreka u pokretanju biznisa u FBiH
7. Predstavljamo vam dobre prakse općina Sanski Most

Poštovani članovi i čitaoci,

Kao i do sada, obavještavamo vas o unutrašnjoj i vanjskoj komunikaciji i razmjeni najboljih iskustava i praksi kao i o različitim obukama koje mogu doprinijeti kadrovskom jačanju općinskih službenika.

Putem ovog biltena se možete informirati i o



Završna izjava učesnika III konferencije načelnika-gradonačelnika i civilnog društva BiH »Lokalna samouprava, regionalna saradnja u BiH i evropske integracije«

Mostar, 15-17. 6. 2006.

U Mostaru od 15. do 17. 6. 2006. godine održana je III konferencija načelnika-gradonačelnika i civilnog društva BiH «Lokalna samouprava i regionalna saradnja BiH i evropskih integracija». Na konferenciji su učestvovali načelnici i gradonačelnici, predstavnici nevladinih organizacija, međunarodnih organizacija i međunarodne zajednice u BiH i Kongresa lokalnih i regionalnih vlasti Vijeća Evrope. Na konferenciji su razmatrani ekonomski i socijalni razvoj lokalnih zajednica i ostvarivanje ljudskih prava i sloboda građana i građanki; ostvarivanje Evropske povelje o lokalnoj samoupravi; program saradnje općina i gradova u BiH; regionalna i euroregionalna i transgranična saradnja gradova i uloga lokalnih zajednica u procesu pregovaranja o sporazumu stabilizaciji i pridruživanju EU. Posebna pažnja na konferenciji posvećena je promjenama u zemlji koje će i u lokalnoj zajednici uslijediti u procesu pridruživanja EU izgradnjom evropskih standarda i strateških ciljeva koji se odnose na:

1. funkcionalnu decentralizaciju vlasti u BiH koja će afirmirati lokalnu samoupravu kao mjesto aktivne participacije građanina u

drugim dešavanjima u proteklom periodu kao što su konferencije, seminari, okrugli stolovi a koji mogu doprinijeti unapređenju sistema lokalne uprave.

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću adresu: amir@sogfbih.ba

Molimo vas da ovaj elektronski bilten prosljedite svim zainteresiranim u vašoj i susjednim opštinama.

Ukoliko želite da objavite neke od vaših novosti, iskoristite elektronski bilten Saveza, koji je brz, efikasan i jeftin način komuniciranja sa javnošću.

Sa zadovoljstvom očekujemo vaše komentare, sugestije i primjedbe.

[Kontaktirajte nas](#)

[telefoni](#)

033/ 216 502

033/ 552 810

033/ 552 812

[Fax:](#)

033/216 520

<http://www.sogfbih.ba>

e-mail: amir@sogfbih.ba

USLUGA PRAVNOG

SAVJETOVANJA :

Savez općina i gradova Federacije BiH putem

ostvarivanju novog kvaliteta života;

2. odgovarajuću fiskalnu decentralizaciju u državi koja će osigurati odgovorno i dobro upravljanje lokalnim resursima i razvojem;
3. moderno, efikasno i profesionalno osoblje u lokalnoj administraciji;
4. uspostavljanje vrhunskog kvaliteta usluga građanima i zainteresiranom privatnom i nevladinom sektoru te jačanje civilnog društva uz poštivanje evropskih standarda;
5. aktivno učešće građana u javnim poslovima;
6. koordinirano i kreativno vršenje svih javnih funkcija;
7. međusobna saradnja općina i gradova u zemlji, regiji, Evropi i svijetu.

Konferencija je konstatala da su za realizaciju ovih ciljeva ključni akteri: građani, načelnici-gradonačelnici, općinska-gradska vijeća, lokalna administracija i svi nivoi vlasti.

Konferencija je radila u okviru tri plenarne sjednice i tri radna stola.

Na prvoj plenarnoj sjednici razmatrana su najznačajnija pitanja razvoja lokalne samouprave i regionalne saradnje BiH i evropske integracije. Na drugoj plenarnoj sjednici razmatrana su pitanja uloge lokalnih i regionalnih zajednica u srednjoročnoj strategiji razvoja BiH i aktualna pitanja ustavne reforme, reforme pravosuđa, PDV-a i nove fiskalne politike. Na trećoj plenarnoj sjednici razmatran je izvještaj o procesu pregovaranja i pridruživanja Evropskoj uniji.

Konferencija je na radnim stolovima razmotrila ekonomski i socijalni razvoj BiH i Milenijske razvojne ciljeve, dobro upravljanje lokalnim zajednicama, regionalnu i međunarodnu kooperaciju, ulogu građana i cijelog društva, uz poseban osvrt na lokalnu politiku prema mladima.

Konferencija je usvojila izvještaje tri radna stola i prijedlog akcija pod imenom «Mostarski program za period 2006.-2008. godina».

Konferencija je prihvatila inicijativu da se IV konferencija održi 2007. godine u Banjoj Luci, a V konferencija u aprilu 2008. godine u Tuzli.

Učesnici konferencije ocijenili su da je ovaj susret bio jedan od najznačajnijih događaja u BiH, o čemu svjedoči 129 učesnika koji su dali poseban doprinos u razmjeni iskustava iz dobre prakse lokalnih zajednica, kao i uspostavljanju dijaloga gradonačelnika i civilnog društva u jačanju demokracije u lokalnim zajednicama.

Konferencija konstatira da su ciljevi ovog susreta gradonačelnika ispunjeni i kroz učvršćivanje međusobnih kontakata i veza u BiH i kroz transgraničnu saradnju putem NALAS procesa i drugih projekata koje podržava Kongres lokalnih i regionalnih vlasti Vijeća Evrope. Konferencija ističe važnost razvijanje ekonomskih regija u BiH i efikasnog pridruživanja BiH Evropskoj uniji, uz aktivnu ulogu lokalnih zajednica. Konferencija zahtijeva da se u okviru nove fiskalne politike u BiH, a posebno u vezi s PDV-om, osigura neposredno korištenje sredstava od PDV-a za lokalne zajednice.

Konferencija pozdravlja učešće predsjednika Kongresa lokalnih i regionalnih vlasti iz Savjeta-Vijeća Evrope, predstavnika OHR-a i OSCE-a, Vijeća ministara BiH, Danskog vijeća za izbjeglice, LDA Mostar, Evropske unije, ACIPS-a, UNDIP-a, USAID-a, Uprave za indirektno oporezivanje, Svjetske banke, Omladinske informativne agencije, EPPU.

Konferencija ističe da je kontinuirani dijalog načelnika-gradonačelnika i civilnog društva od izuzetnog značaja za daljnji proces demokratizacije u BiH i smatra da je potrebno uspostaviti i odgovarajući institucionalni

odnedavno formirane pravne službe pruža usluge pravnog savjetovanja. Ukoliko želite postaviti pitanje našoj službi za pravna pitanja možete to učiniti putem telefona ureda Saveza: 033/216 502 i 033/552 -810 ili na e-mail adresu: elvira@sogfbih.ba

Stručnjak za pravna pitanja Saveza općina i gradova FBiH će odgovoriti na sva vaša pitanja.

NAŠ CILJ:

je informirati vas o seminarima, treninzima, konferencijama i drugim aktivnostima, koji unapređuju lokalnu upravu i kadrovsko jačanje zaposlenih u vašim općinama.

KONTAKTI:

Savez općina i gradova Federacije BiH
Ul. Musala 5/1
71000 Sarajevo

Telefon :

033 216 502,
033 552 812

Fax:

033 216 502

E-mail:

amir@sogfbih.ba

www.sogfbih.ba

dijalog sa svim nivoima vlasti, posebno s centralnim organima vlasti BiH.

Konferencija ističe da su od izuzetnog značaja ustavne reforme u kojima će i lokalne zajednice biti dio novih ustavnih rješenja u skladu s Evropskom poveljom o lokalnoj samoupravi. U BiH je potrebno harmonizirati sva zakonska rješenja koja se tiču lokalne samouprave i prava građana na ostvarivanje svojih sloboda i prava u moderno uređenim evropskim lokalnim zajednicama.

Konferencija ističe važnost učešća lokalnih zajednica u izradi strategije razvoja BiH i uloge lokalnih zajednica u formuliranju politike zapošljavanja, socijalne politike, obrazovanja, zdravstva, kulture, sporta, zaštita životne sredine.

Konferencija ističe važnost odnosa građana, načelnika, gradonačelnika i općinskih i gradskih vijeća u kreiranju prostorne infrastrukture u rješavanju imovinskih i drugih prava koja će postaknuti i stvaranje novog ambijenta življenja u lokalnim zajednicama.

Konferencija ističe da je uloga domaćeg i međunarodnog nevladinog sektora i vladinih i privatnih fondacija za razvoj lokalne i regionalne demokratije veoma značajna za protekli i budući period za općine i gradove u BiH.

Konferencija ističe potrebu da se na državnoj razini formira agencija za razvoj lokalne i regionalne demokratije.

Organizatori konferencije - domaćin Grad Mostar, Kongres lokalnih i regionalnih vlasti, Zajednica općina i gradova FBiH i Zajednica opština i gradova RS, Dansko vijeće za izbjeglice i Međunarodni centar za mir Sarajevo zajedno sa gradovima organizatorima IV i V konferencije – Banjom Lukom i Tuzlom, objavit će knjigu o III konferenciji i predstaviti će rezultate rada konferencije javnosti.

Konferencija je odlučila da Koordinacioni odbor u sastavu općine/opštine i gradovi Sarajevo, Brčko, Mostar, Banja Luka, Tuzla, Dansko vijeće za izbjeglice, Kongres lokalne i regionalne saradnje Vijeća Evrope, Zajednica općina i gradova FBiH, Savez opština i gradova RS i Međunarodni centar za mir organizuje aktivnosti na realizaciji mostarskog programa gradonačelnika i civilnog društva za period 2006.-2008. godina. Koordinator projekta, Međunarodni centar za mir, pozvao je sve učesnike na razvijanje programa saradnje putem Foruma gradonačelnika i civilnog društva na www.ipcsa.ba. Učesnici konferencije su se usaglasili da na temelju mostarskog programa do kraja jula 2006. godine dostave svoje prijedloge za akcioni plan za daljnju saradnju, u kojem će se izdvojiti prioriteta na temelju interesa izraženih tokom konferencije. Koordinacioni odbor je zadužen da prati realizaciju ovog plana aktivnosti i dostavlja tromjesečne izvještaje svim učesnicima.

E-SPREMNOST BH. OPĆINA

Savez općina i gradova Federacije BiH je u oktobru, 2005 god. uspješno aplicirao na tender UNDP-a/Projekat reforme e-Zakonodavstva, gdje su se tražile ponude organizacija u svrhu provođenja istraživanja za potrebe projekta Procjene Elektronske Spremnosti 2005.

Ovim projektom UNDP je koristito usluge Saveza u kontekstu istraživanja elektronske spremnosti općina u FBiH.

Cilj studije elektronske spremnosti je bio da se putem dobijenih podataka iz općina, pokuša dobiti prava slika korištenja informacionih tehnologija i omogućiti uspostava kompatibilnog informacionog sistema.

Pozadina projekta Procjena Elektronske Spremnosti 2005, koji sprovodi UNDP, je mali djelic mnogo veceg reformskog projekta pod imenom e-Zakonodavstvo. Projekat Procjena Elektronske Spremnosti je imala za cilj pravljenje procjene korištenja informaciono komunikacijskih tehnologija od strane vladinih i obrazovnih institucija, kao i prikaz opštih podataka za telekome i IT kompanije. Ovaj izvještaj će obezbjediti nove podatke, koji će omogućiti mjerenje stepena razvoja informacionog društva u Bosni i Hercegovini.


IZDVAJAMO DIO STUDIJE KOJI SE ODNOSI NA OPĆINE U BiH

1.1.1 OPĆINE

U ovom dijelu izvještaja su posebno prezentirani rezultati za sve općine u Bosni i Hercegovini. Organe lokalne uprave smo namjerno izdvojili od ostalih organa vlade, jer mislimo da bi na njih trebalo obratiti posebnu pažnju. Primarni razlog za ovu tezu je da su organi lokalne uprave u najprisnijoj komunikaciji sa građanima. Zbog toga bi sistemi eUprave trebalo da budu najrazvijeniji ovdje, gdje građani svakodnevno traže izvode, rješenja, itd.


U tu svrhu smo analizirali koliko službenika u općinama ima pristup računaru. Od oko 10000 zaposlenih koji su analizirani u ovoj anketi, njih 4000 je imalo pristup računaru na poslu. Procenat zaposlenih u organima lokalne uprave koji imaju pristup računaru u svakodnevnom poslu iznosi 42,2%. Naredna tabela upoređuje ove podatke sa podacima iz 2003. godine. Interesatno je da se taj procenat nije bitno promijenio. Vjerovatno zbog veličine uzorka, ili zbog drugih razloga, nije došlo do većih odstupanja u penetraciji kompjutera u općinama. Međutim, ovdje se postavlja ozbiljnije pitanje, koje ovo istraživanje nije detaljno ispitalo: Koliko zaposleni stvarno koriste tehnologiju u svome radu?

Procenat zaposlenih kojima je koriste kompjuter u općini / opštini



Da bi zaposleni efikasno koristili postojeće računare, moraju biti uvezani u mreže koje bi im omogućavale razmjenu podataka. Prema istraživanju, procentualno, broj općina koje imaju kompjutere umrežene u lokalnu mrežu iznosi 38,5%. Jedan od uslova da bi zaposleni mogli dijeliti informacije, efikasno komunicirati kako bi građani što prije dobili potrebne odgovore, je i umreženost zaposlenih.

Procentualno broj umreženih kompjutera u općinama / opštinama



Jedan od bitnih koraka ka uspostavljanju uspješne eUprave je i komunikacija sa građanima putem e-maila. Interesantno je spomenuti da je u Danskoj 2004. godine usvojen zakon kojim se građanima daje pravo da odbiju pisanu poštu od općine i zatraže da im se ona pošalje e-mailom¹. Pohvalno je spomenuti da procenat općina u BiH koje imaju e-mail adresu iznosi 91,3%.


Procenat općina / opština koje imaju e-mail adresu



Na žalost, kako smo već spomenuli, samo mali broj općina ima propisno registrovanu e-mail adresu. Čest je slučaj da se koriste privatne e-mail adrese preko kompanija koje nude besplatne e-mail adrese (@hotmail.com ili @yahoo.com).

Kako bismo napravili procjenu da li zaposleni stvarno koriste e-mail adrese ili su one registrovane forme radi, tokom istraživanja svim općinama je upućen e-mail sa vrlo jednostavnim pitanjem. Pitanje nije imalo za cilj da kao odgovor dobije neke konkretne informacije, nego da testira da li se e-mail adresa provjerava i koliko vremena treba da se dobije *bilo kakva povratna informacija*.

¹ <http://www.jm.dk/>



U ovom testu mjerili smo brzinu odgovora. Konkretno, mjerili smo vrijeme za koje će nam neki vladin službenik uputiti bilo kakav odgovor. Naravno, test se odnosio samo na općine koje su zvanično objavile svoje e-mail adrese. Upit je poslan na generalnu e-mail adresu. Od 127 općina samo 12 općina je poslalo bilo kakav odgovor. Od toga, sedam općina je odgovorilo isti dan ili sa danom zakašnjenja, dok je ostalih pet poslalo svoje odgovore u narednih pet do sedam dana. Ovaj test ukazuje na poražavajuću činjenicu da samo mali broj općina shvata elektronsku komunikaciju sa građanima kao relevantnu i zvaničnu. Istraživanje je mjerilo i koliko općina ima svoju web stranicu. Procentualno, 62,2% općina ima web stranicu. Web stranica obično služi da bi se objavile informacije o općini, kontakt informacije, itd. Zaista mali broj općina koristi web stranicu za ozbiljniju komunikaciju sa građanima. Naredna tabela daje procentualno pregled broja web stranica od ispitnog uzorka.


Procentualno broj općina/opština sa ili bez web stranice



Na osnovu metodologije EU², analizirali smo stepen razvijenosti web stranica općina, od faze 1 – informacije, do faze 4 – potpuna elektronska obrada podataka. Jednostavne jednosmjerne usluge prema građanima u vidu informacija su tipične web stranice u gotovo svim općinama u BiH. Rijetki su slučajevi kada web stranica općine prelazi u fazu 2. Tokom našeg istraživanja nismo pronašli ni jednu web stranicu općine ili vladine institucije koja je u fazi 3 ili 4.

U ovom izvještaju smo istražili na koji način općine pristupaju internetu. Istraživanje je urađeno među općinama koje posjeduju internet. Ako općine imaju za cilj da svoje usluge nude i dijelom preko interneta, onda je za očekivati da zaposleni imaju pristup internetu i da je ta veza brza. Na žalost, oko 51,18% općina koje imaju internet vezu ostvaruju je putem dial-up veze, što nije dovoljno da bi se iskoristio puni potencijal eUprave. Naredna tabela pokazuje način pristupa internetu u zavisnosti od tipa veze.

Način pristupa internetu u općinama/opštinama



Kao što se vidi iz predhodne tabele, pola općina vezu ostvaruje preko dial-up veze. Pohvalno je da ova druga polovina koristi neku od širokopoljnih tehnologija. Međutim, za daljnji razvoj, dial-up nije najbolja tehnologija za omogućavanje efikasne veze sa korisnicima. Konačno, interesantno je spomenuti da od ukupnog broja općina, njih 61 (gotovo 50%), su izjavile da posjeduju namjenske softvere za vođenje matične knjige evidencija, matične knjige vjenčanih, evidencija o državljanstvu. Na osnovu upitnika, 52 općine su izjavile da imaju namjenski softver za vođenje katastarske evidencije, dok 28 općina posjeduje softver za praćanje socijalnih beneficija građana općine. Ovi podaci pokazuju da općine posjeduju infrastrukturu za uspostavu bolje komunikacije sa građanima. Također, podaci govore da u većini slučajeva općine posjeduju i softvere u domenu eUprave. Međutim, očigledno je da ova infrastruktura i softver nisu u potpunoj funkciji za građane i biznise, jer nijedna općina ne nudi online usluge (usluge putem weba).

Aktivno učešće općina i gradova u planiranju rada Saveza

Savez općina i gradova Federacije BiH u saradnji sa Vijećem Evrope je održao treći regionalni sastanak načelnika, u sklopu projekta "Jačanje kapaciteta Saveza općina i gradova FBiH" u općini Tomislavgrad, 28.06.2006.godine.

Predstavnici 15 bh. općina su zajednički sa članovima osoblja Saveza i ekspertima Vijeća Evrope radili na SWOT analizi. Cilj ove analize je bio da se identifikuju snage, slabosti, mogućnosti i prepreke koje pozitivno ili negativno uticu na rad Saveza i dobiju neophodne

informacije za planiranje budućih aktivnosti.

Koordinator ovog projekta, gospodica Šejla Hasic istakla je da je ovo samo jedan od planiranih sastanaka i aktivnosti koje imaju za cilj aktivno uključivanje predstavnika općina i gradova Federacije BiH u kreiranje politike Saveza.



Studijska posjeta načelnika bh.općina Velikoj Britaniji

Dvanaest predstavnika iz šest bh. općina koje su dobile status Beacon 2005, Prnjavor, Tuzla, Zenica, Istočno Sarajevo, Šekovići, Srebrenik, učestvovali su u studijskoj posjeti Velikoj Britaniji od 5. do 9.juna 2006. godine. Posjeta se sastojala od jednog dana obuke u Londonu i dva dana provedena u općini u Velikoj Britaniji sa Beacon statusom na sličnu temu za koju su i dobili status Beacon općine. Predstavnicima općina pridružili su se i predsjedavajući Upravnog odbora, predsjedavajući Savjetodavne komisije i jedan stalni član savjetodavne komisije te predstavnici OSCE Misije u Bosni i Hercegovini. Delegaciji su se također priključili i po jedan član iz saveza općina i gradova FBiH i RS.

Čitav izvještaj o ovoj studijskoj posjeti možete naći na www.sogfbih.ba

Održana obuka vijećnika u Općini Breza

Savez općina i gradova Federacije Bosne i Hercegovine, u saradnji sa Savezom lokalnih i regionalnih vlasti Kraljevine Norveške – KS, je održao dvodnevnu obuku vijećnika u općini Breza u periodu od 09.do 10.05. 2006.godine.

Cilj ove obuke je da poboljša razumijevanje uloge i odgovornosti izabranih vijećnika i da ih bolje upozna sa zakonima i odredbama vezanim za lokalnu upravu. Na interaktivan način su obrađene teme iz

oblasti zakonodavstva, finansija i komunikacije sa građanima koje su osnova za uspješan rad svakog vijećnika.

Vijećnici općine Breza, koji su u velikom broju odazvali pozivu da prisustvuju ovoj obuci, ocijenili su je kao veoma korisnu za njihove buduće aktivnosti. Takodjer, isti su zahtijevali od predstavnika Saveza da ih i u narednom periodu uključe u sve aktivnosti koje mogu pospješiti njihov rad.

DOBRE PRAKSE OPĆINA



U Sanskom Mostu otvoren Lokalni razvojni centar "LORCA"

21.juna u Sanskom Mostu, Općinski načelnik, mr. Sanjin Halimović i Sorinel Ghetau, koordinator SEENET-a za BiH, su simboličnim presijecanjem vrpce otvorili Centar čiji je prvenstveni zadatak stvaranje novih radnih mjesta, podrška malom i srednjem poduzetništvu, izrada projekata, kao i implementiranje Strategije razvoja Općine Sanski Most.

"Moram reći da smo u Sanskom Mostu imali najbolju saradnju. Raduje me da je centar uspostavljen, a posebno da će u njemu raditi mladi ljudi. Kako mi je rekao Načelnik Halimović u preostalim kancelarijama će uskoro biti smješten i Centar za mlade. To je prava stvar. Mladima se trebaju stvoriti ovakvi uslovi da radom izraze svoje znanje i kreativnost" – rekao je Ghetau.

Inicijativu za formiranje ovog centra pokrenuli su Općinski načelnik, Asocijacija privrednika, Općinsko udruženje samostalnih privrednika, Zanatska zadruga "Sana-Obrt", Zemljoradnička zadruga "AgriSan", Forum nevladinih organizacija i građani Sanskog Mosta.

U isto vrijeme u Sanskom Mostu je održan i prvi susret Centara za razvoj biznisa i agencija/centara za lokalni razvoj u BiH.

Na prostoru Bosne i Hercegovine djeluje više od 35 lokalnih centara za razvoj koji imaju šarolik pravni status, ciljeve i načine rada, kao i izvore finansiranja. Ovi razvojni centri su nedovoljno povezani i često se ponašaju kao konkurenti. Upravo zbog toga su razmjena iskustava i razgovori o ulozi i suštini rada centara, njihovom pravnom statusu, zadacima i prioritetima rada i ciljevi okupljanja svih bosanskohercegovačkih centara u Sanskom Mostu.

Četvrti sastanak Radne grupe za uklanjanje prepreka u pokretanju biznisa u FBiH

13. juna 2006. godine u Sarajevu je u organizaciji USAID SPIRA projekta održan četvrti sastanak Radne grupe za uklanjanje prepreka u pokretanju biznisa u FBiH, na kojem je bilo riječi o prijedlogu izmjene zakona i pravilnika u cilju bržeg pokretanja biznisa.

Ovom sastanku su prisustvovali i načelnik Općine Zenica, Husein Smajlović, direktor agencije ZEDA, Muhsin Ibrahimagić i načelnik Općine Tuzla, Jasmin Imamović, koji su članovima radne grupe prezentirali dostignuća svojih općina nagrađenih Beacon statusom za promociju lokalnog ekonomskog razvoja.

Cilj SPIRA projekta je poboljšati pristup tržištu za mala i srednja preduzeća (MSP) time što će se smanjiti administrativne prepreke koje stoje na putu njihovom pokretanju i radu. SPIRA će se fokusirati na unapređenje procesa registracije privredne djelatnosti, izdavanja građevinskih dozvola i režima inspekcija u cijeloj zemlji.

Savez općina i gradova Federacije BiH je aktivno uključen u ovaj projekat putem svojih predstavnika iz općina i gradova Federacije BiH.

Dodatne informacije o USAID SPIRA projektu su dostupne na web adresi www.usaidspira.ba
